

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINSKI SUD U ZENICI
Broj: 43 0 St 255505 25 St
Zenica, 23.12.2025. godine

Općinski sud u Zenici, stečajni sudija Samra Spahić-Drino, u stečajnom postupku nad stečajnim dužnikom Društvo za proizvodnju namještaja, promet i usluge „CARGO-Z&M“ d.o.o. Tešanj, Transportno-trgovačko društvo, export-import, Vukovo bb, Tešanj, matični registarski broj subjekta upisa 43-01-0153-10 (stari broj: 1-7735), nakon održanog ročišta 12.6.2025. godine, u prisustvu privremenog stečajnog upravnika Selma Vranac i odsutnosti uredno obaviještenih punomoćnika predlagača i povjerilaca Uprava za indirektno-neizravno oporezivanje, Regionalni centar Tuzla, i „GANJGO PETROL“ d.o.o. Matuzići, van ročišta, dana 23.12.2025. godine donio je:

R J E Š E N J E

Otvora se i zaključuje stečajni postupak nad stečajnim dužnikom Društvo za proizvodnju namještaja, promet i usluge „CARGO-Z&M“ d.o.o. Tešanj, Transportno-trgovačko društvo, export-import, Vukovo bb, Tešanj matični registarski broj subjekta upisa 43-01-0153-10 (stari broj: 1-7735), zbog nepostojanja imovine dovoljne za pokriće troškova stečajnog postupka, te se nalaže brisanje ovog privrednog društva iz sudskog registra zavedenog pod matični registarski broj 43-01-0153-10 (stari broj: 1-7735), po pravomoćnosti ovoga rješenja.

O b r a z l o ž e n j e

Prijedlogom od 4.8.2023. godine predlagač Društvo za proizvodnju namještaja, promet i usluge „CARGO-Z&M“ d.o.o. Tešanj, Transportno-trgovačko društvo, export-import, Vukovo bb, Tešanj, putem punomoćnika, podnio je ovom sudu prijedlog za otvaranje likvidacionog postupka nad navedenim društvom. Nakon prijava potraživanja od strane povjerilaca Uprava za indirektno-neizravno oporezivanje, Regionalni centar Tuzla u iznosu od 963,50 KM i „GANJGO PETROL“ d.o.o. Matuzići u iznosu od 35.184,00 KM, likvidator je podnio prijedlog za pokretanje stečajnog postupka. Likvidator je u toku likvidacionog postupka dostavio izvještaj o ekonomsko-finansijskom stanju društva te je nakon ročišta održanih 28.2.2024. godine, 15.4.2024. godine i 13.6.2024. godine na kojima su prijave cijanjene kao osnovane, na ročištu 28.11.2024. godine izjavio da predlaže da se spis prevede u stečaj, a što je rješenjem na zapisniku urađeno.

Na ročištu održanom 12.6.2025. godine likvidator je izjavio da društvo nema nepokretne imovine, nema pokretne imovine, nema zaliha na stanju, odnosno robe, i društvo ima na transakcijskom računu iznos od 29,00 KM, uz obrazloženje da u bilansu stanja na dan 31.7.2023. godine na bilansnoj poziciji kratkoročna imovina iskazani iznos od 1.528,00 KM a u bilansu stanja na dan 18.10.2023. godine na istoj poziciji iskazani iznos od 29,00 KM, te da prema izjavi osnivača i zamjenika direktora društva na naprijed navedene okolnosti novac na transakcijskom računu na dan 31.7.2023. godine koji se vodi kod Privredne banke d.d. Sarajevo je iskorišten do dana 18.10.2023. godine za plaćanje tekućih obaveza društva, tako da je iznos na dan 18.10.2023. godine na transakcijskom računu 29,00 KM. Društvo nema potraživanja, ali ima prijavljenih obaveza i to prijavu potraživanja Uprave za indirektno oporezivanje u iznosu od 963,50 KM, i prijavu potraživanja „GANJGO PETROL“ d.o.o. Matuzići u iznosu od 35.184,00 KM, ukupno prijavljenih obaveza ima u iznosu od 36.147,50 KM, koje prijavljene obaveze su osnovane. U bilansu stanja na dan 31.12.2023. godine društvo ima iskazanih obaveza i to kratkoročne obaveze iskazan iznos od 90.860,00 KM, koje se sastoje od obaveze prema dobavljačima i ugovorne obaveze iznos od 50.940,00 KM, ostale finansijske obaveze iznos od 16.733,00 KM, ostale obaveze uključujući i razgraničenje iznos od 23.178,00 KM. U bilansu stanja na dan 18.10.2023. godine na bilansnoj poziciji kratkoročne obaveze iskazani iznos od 89.415,00 KM i isti se sastoji od obaveze prema dobavljačima i ugovorna obaveza od 50.949,00 KM, ostale finansijske obaveze u iznosu od 16.733,00 KM i ostale obaveze uključujući i razgraničenje u iznosu od 21.733,00 KM. Razlika u bilansnim

pozicijama na dan 31.7.2023. godine i 18.10.2023. godine se odnosi na ostale obaveze uključujući i razgraničenja u bilansu stanja na dan 31.7.2023. godine iskazan iznos od 23.178,00 KM, sastoji se od obaveze na neto platu iznos od 21.732,59 KM, što predstavlja stanje duga, i PDV-a na isporuke iznos od 1.445,00 KM. Nastala razlika koja se odnosi na PDV isporuke je plaćena po PDV prijavama što se vidi po stanju na transakcijskom računu. Imajući u vidu da nema imovine dok postoje obaveze predložila je da se pozovu povjerioci da uplate predujam u iznosu d 3.000,00 KM a u svrhu prijedloga otvaranja stečajnog postupka u roku od 30 dana, te nakon isteka roka ukoliko niko od povjerilaca ne izvrši uplatu predujma likvidator predlaže da sud donese rješenje o otvaranju i zaključenju stečajnog postupka nad društvom „CARGO-Z&M“ d.o.o. Tešanj, Transportno-trgovačko društvo, export-import, Vukovo bb, Tešanj matični registarski broj subjekta upisa 43-01-0153-10(stari broj: 1-7735).

Sud je donio odluku kao u izreci iz sljedećih razloga.

Odredbom člana 102. stav 6. Zakona o stečaju („Službene novine F BiH”, broj: 53/21) propisano je da stečajni sudija otvara stečajni postupak nad imovinom stečajnog dužnika ako je prijedlog dopušten, ako postoji stečajni razlog i ako će imovina stečajnog dužnika prema predviđanju biti dovoljna da namiri troškove postupka, dok je stav 7. istog člana propisano da ako imovina stečajnog dužnika ne pokriva troškove postupka, a prijedlog je dopušten i osnovan, stečajni sudija će javnim pozivom, objavljenim na oglasnoj tabli suda, web stranici suda - elektronskoj tabli suda i u „Službenim novinama Federacije BiH“, pozvati povjerioce i zainteresirana lica da u roku od 30 dana od dana objavljivanja poziva predlože otvaranje stečajnog postupka i uplate predujam za obezbjeđenje troškova stečajnog postupka, u iznosu koji odredi stečajni sudija. Stavom 8. istog člana propisano je da ako u roku iz stava 7. ovog člana povjerioci i zainteresirana lica ne predlože otvaranje stečajnog postupka i ne uplate predujam, stečajni sudija će otvoriti stečajni postupak i odmah zaključiti postupak.

Imajući u vidu prethodno navedeno, sud je primjenom odredbe člana 102. stav 7. Zakona o stečaju, rješenjem od 13.6.2025. godine pozvao povjerioce i zainteresovana lica da u roku od 30 dana od dana objavljivanja poziva predlože otvaranje stečajnog postupka i uplate predujam za obezbjeđenje troškova stečajnog postupka u iznosu od 3.000,00 KM, te da po izvršenoj uplati predujma sudu dostave uplatnicu, kao dokaz da je uplata izvršena. Visina troškova srazmjerno je određena visini troškova koji se očekuju, a koji su neophodno potrebni za otvaranje i vođenje stečajnog postupku.

Rješenje ovog suda od 13.6.2025. godine objavljeno je na oglasnoj tabli suda 7.7.2025. godine, na web stranici suda 7.7.2025. godine i objavljeno je u „Službenim novinama Federacije BiH“ broj: 55/25 od 23.7.2025. godine.

Kako stečajni dužnik ima obaveze, dok nema imovine, pa ni za namirenje troškova stečajnog postupka, a povjerioci i zainteresovana lica po proteku roka ostavljenog u rješenju donesenom od strane ovog suda nisu predložili otvaranje stečajnog postupka niti predujmili novčani iznos potreban za pokrivanje troškova stečajnog postupka, to je primjenom odredbe člana 102. stav 8. Zakona o stečajnom postupku, odlučeno kao u izreci ovog rješenja.

Shodno odredbi člana 108. i člana 204. stav 5. Zakona o stečaju, ovim rješenjem određen je upis rješenja o otvaranju i zaključenju stečajnog postupka koje uslijed nedostatka mase prestaje postojati, te brisanje ovog pravnog lica iz sudskog registra.

POUKA O PRAVNOM LIJEKU

Protiv ovog rješenja može se izjaviti žalba u roku od 8 dana od dana dostavljanja, Kantonalnom sudu u Zenici putem ovog suda u tri primjerka.

Stečajni sudija

Samra Spahić-Drino,s.r.